摛藻堂四庫全書

薈

要

史部

欽定四庫全書管要 連銀紀事本末卷三十八上

詳校官員外郎臣楊世綸

通鑑紀事本末卷三十八上 AT O HOLL AT MIN III 諸鎮相攻 即以宗權為蔡州刺史先是 初降能遣牙将上 廣明元年冬十 曹要卷八千七百七十史部 通錯犯事本末 一茶秦宗權調發至茶州聞 月以忠武大将周岌為忠 逐逐刺史據其城及周岌為 薛能自稱留後秋九月周岌逐 袁樞 撰

兵還據潞州天井關戍将孟方立起兵攻麟殺之方立 歸朝璠殺之詔以溥為武寧留後溥表璠為宿州刺史 **将兵五千人入關討黃巢溥至東都自知留後溥送** 中和元年秋八月武寧節度使支詳遣牙将時溥陳孫 防禦使 一年秋八月魏博節度使韓簡亦有兼并之志自将 忠武監軍楊復光奏升蔡州為奉國軍以秦宗權為 秋九月昭義十将成麟殺節度使高尋引 冬十二月以感化留後時溥為節度使

使未温殺其監軍嚴實舉州降王重榮王鐸承制以温 右金吾大將軍河中行營招討副使賜名全忠 拒守簡改之不下語以瑄權知天平留後 使曹存實逆戰敗死天平都将下邑朱瑄收餘衆嬰城 兵戍之因掠邢洺而還 一月以忻代等州留後李克用為應門節度使事見 冬十月韓簡復引兵擊鄆州節度 九月黃果所署同州防禦 以朱温為

通鑑紀事本末

萬攻河陽敗節度使諸葛夷於脩武爽弃城走簡留

遷昭義軍於邢州自稱留後表其将李殷銳為潞州刺 唐孟方立既殺成麟引兵歸那州路人請監軍吳全品 知留後是歲王鐸墨制以方立知那州事方立不受遂

立其子節度副使鎔知留後事時鎔生十年矣 以天

一留後未瑄為節度使、初光州刺史李罕之為秦宗

三年春正月成徳節度使常山忠穆王王景崇薨軍

權所攻棄州與項城餘衆歸諸葛爽爽以為懷州刺史

月丁夘至汴州 副使朱全忠為宣武節度使俟克復長安令赴鎮 夏六月宣武節度使朱全忠的所部數百人赴鎮秋七 而還大將澶州刺史樂行達先歸據魏州軍中共立行 達為留後簡為部下所殺已未以行達為魏博留於 `捨之引兵擊河陽爽遣空之逆戰於武陟魏軍大 「簡攻鄆州半年不能下爽復襲取河陽朱瑄請和 王鎔為成德留後 以成德留後王鎔魏博留後樂行 三月已丑以河中行營於

等赴之為方立所敗又遣李克脩擊之克脩克用弟也 辛亥取潞州殺其刺史李殷銳是後克用每歲出兵争 薛因人心不安使武鄉鎮使安居受潛以 蠟九乞師 欽定四庫全書 李克用請復軍府於潞州冬十月克用遣其将賀公雅 於那州大將家及富室皆徒山東路人不吃監軍祁審 天平留後朱瑄為本道節度使 路州地險人勁屢篡主帥欲漸弱之九月乃還治所 昭義節度使孟方立

山東三州之人半為俘馘野無稼穑矣

者皆需醉宣武将楊彦洪客與全忠謀連車樹柵以塞 甚恭克用乘酒使氣語頗侵之全忠不平薄暮罷酒從 薛志勤史敬思等十餘人格關侍者郭景錄滅燭扶克 衛路發兵圖驛而攻之呼聲動地克用醉不之聞親兵 入城館於上源驛全忠就置酒聲樂饌具皆精豐禮貌 溥朱全忠以黃巢兵尚疆共求救於河東節度使李

四年春正月賜魏博

以即度使樂行達名彦禎

用夏四月甲戌李克用至汴州管於城外朱全忠固請

起志勤射汴人死者數十須史煙火四合會大雨震雷 用匿牀下以水沃其面徐告以難克用始張目援弓而 所殺楊彦洪謂全忠曰胡人急則來馬見乘馬者則射 尉氏門絕城得出監軍陳景思等三百餘人皆為汴人 而行汴人扼橋力戰得度史敬思為後拒戰死克用登 之是夕彦洪乘馬適在全忠前全忠射之殪克用妻劉 天地晦冥志勤扶克用帥左右數人踰垣突園乘雷光 氏多智略左右先脫歸者以汴人為變告劉氏神色不

卷三十八上

去但移書責全忠全忠復書曰前夕之變僕不之知朝 勒兵攻全忠劉氏日公比為國討賊救東諸侯之急今 無所傷嗣源本胡人名邀佶烈無姓克用擇軍中驗男 克用養子嗣源年十七從克用自上源出矢石之問獨 廷自遣使將與楊彦洪為謀彦洪既伏其辜惟公諒察 天下孰能辨其曲直且彼得以有辭矣克用從之引兵 人不道乃謀害公自當訴之朝廷若擅舉兵相攻則

通盘电事本员

動之斬之陰召大將約束謀保軍以還比明克用至欲

者多養為子名回鹘張政之子曰存信振武孫重進日 於瑄瑄遣瑾将兵救之敗宗權於合鄉全忠徳之與瑄 濟河還晉陽 子克用至許州故寨求糧於周岌岌辭以糧乏乃自陝 存進許州王賢日存賢安敬思日存孝皆月姓李氏丙 出侵噬鄰道天平節度使朱瑄有衆三萬從父弟瑾勇 冠軍中宣武節度使失全忠為宗權所攻勢甚窘求救 秋七月朱全忠擊秦宗權敗宗權于激 夏六月蔡州節度使秦宗權縱兵四

懂能自免将佐以下從行者三百餘人并牌印皆没不 承嗣奉表請行在自陳有破黃巢大功為朱全忠所圖 寇初平方務姑息得克用表大恐但遣中使賜優詔和 **返全忠仍膀東都陝孟云臣已死行營兵潰令所在邀** 兵誅討臣遣弟克勤將萬騎在河中俟命時朝廷以大 廷至公當侯部命拊循抑止復歸本道乞遣使按問發 避屠朝勿令漏失将士皆號泣冤訴請復仇警臣以朝

通點紀事本末

李克用至晉陽大治甲兵遣榆次鎮將馬門李

朝廷不復為之辨曲直由是互相吞噬惟力是視皆無 方事之殷姑存大體克用終鬱鬱不平時藩鎮相攻者 日公為國患惟乞下韶削其官爵臣自帥本道兵討之 解之克用前後几八表稱全忠好功疾能陰校禍賊異 請以弟克脩為昭義節度使皆許之由是昭義分為二 不用度支糧的上界遣楊復恭等諭指稱吾深知卿冤 八月李克用奏請割麟州隷河東又奏

鎮進克用爵雕西郡王克用奏罷雲蔚防禦使依舊隸

一面 灾四月 全是

卷三十八上

李可舉成德節度使王鎔思李克用之殭而義武節度 光啓元年春正月秦宗權寇頼亳朱全忠敗之於焦夷 漳南高雞泊圍而殺之彦禎奏云為盗所殺朝廷不能 為蔡州四面行營兵馬都統以討之 過魏州魏博節度使樂彦禎之子從訓伏卒數百人於· 三月秦宗權稱帝置百官部以武寧節度使時溥 通總紀事本末

門東從之

冬十二月義昌節度使無中書令王鐸

一缸定四庫全書 夢 使王處存與克用親善為姪都娶克用女又河北諸鎮 說雲中節度使赫連鐸使攻克用之背可舉遣其将李 惟義武尚屬朝廷可舉等恐其窺伺山東終為已患乃 |州人也李克用自將救無極敗成德兵成德兵退保新 盧龍兵攻易州裨將劉仁恭穴地入城遂克之仁恭深 於克用克用遺其將康君立等将兵救之 全忠将兵六萬攻易州鎔遣將将兵攻無極處存告急 相與謀曰易定熊趙之餘也約共滅處存而分其地又 夏五月

蒙羊皮造城下盧龍兵以為羊也争出掠之處存奮擊 忠為盧龍留後 姑息藩鎮太甚是非功過駢首並足致天下紛紛若此 忠自為留後 餘界還襲幽州六月李可舉窘急舉族登樓自焚死全 首萬餘級盧龍兵既得易州驕怠王處存夜遣卒三十 大破之復取易州李全忠走李全忠既喪師恐獲罪收 秦宗權陷東都 **乙巳右補闕常濬上疏以為陛下** 秋七月以李全

|城克用復進擊大破之拔新城成德兵走追至九門斬

察州節度使華徳朱全思之援與全忠結香凡全忠所 宗權攻鄰州道二十餘州陷之唯陳州距察百餘里兵 復振典刑以威四方田令孜之黨言於上曰此疏傳於 猶未之審直可不念點谷之製危復懷西顧之計乎宜 藩鎮豈不致其猜忿庚戌貶濟萬州司户尋賜死 力甚弱刺史趙犨日與宗權戰宗權不能屈韶以犨為 調發無不立至 冬十月癸丑秦宗權敗朱全忠于

欽定四庫全書

三年秦宗權自以兵力十倍於朱全忠而數為全忠所 節度使齊克讓自稱留後朝廷因以瑾為泰寧節度使 立甲午擒其將吕臻於焦岡拔故鎮武安臨沼邯鄲沙 鄭州進陷河陽儒自稱留後 天平牙将朱瑾逐泰寧 全忠薨以其子匡威為留後 河以大将安金俊為那州刺史 州不克而還 十二月秦宗權遣孫儒将兵攻陷 九月李克修攻孟方 冬十月李克脩攻 月盧龍節度使李

通鑑犯事本末

二年秋七月秦宗權陷許州

數萬列三十六寨連延二十餘里全忠謂諸將曰彼蓄 蔡人方寇汴州其将張晊屯北郊秦賢屯板橋各有衆 敗恥之欲悉力以攻汴州全忠患兵少二月以諸軍都 州獲馬千匹辛亥還至大梁朱全忠喜曰吾事濟矣時 **指揮使朱珍為淄州刺史募兵於東道期以初夏而還** 銳休兵方来擊我未知朱珍之至謂吾兵少畏怯自守 夏四月朱珍至淄青旬日應募者萬餘人又襲青

而已宜出其不意先擊之乃自引兵攻秦賢寨士卒踊

新定四庫全書

一致定四車全書一个 |神全忠又使牙將新野郭言募兵於河陽咬號得萬餘 躍争先賢不為備連拔四寨斬萬餘級蔡人大驚以為 **胚屯於赤崗全忠復就擊之殺二萬餘人蔡人大懼或** 運路朱全忠乗霧襲之掩殺殆盡於是蔡兵皆徙就張 軍中自相驚全忠乃還大梁養兵休士 人而還 蔡將盧塘屯于萬勝夾汴水而軍以絕汴州 朱全忠出擊張旺大破之秦宗權聞之自鄭州引精兵 朱全忠求救於兖鄆朱瑄朱瑾皆引兵赴 通鑑紀事本本 五月丙子

村大破之斬首二萬餘級宗權宵通全忠追之至陽武 之義成軍亦至辛已全忠以四鎮兵攻秦宗權於邊孝 不遜全忠遣其將朱珍葛從周襲曹州壬子拔之殺刺 橋而還全忠深徳朱瑄兄事之蔡人之守東都河陽許 汝懷鄭俠號者聞宗權敗皆棄去宗權發鄭州孫儒發 已攻之無名乃誣瑄招誘宣武軍士移書請讓瑄復書 河陽皆屠滅其人焚其廬舍而去宗權之勢自是稍衰 秋八月朱全忠欲兼兖鄆而以朱瑄兄弟有功於

史朱裕犇耶珍進兵攻鄆瑄使裕許遺珍書約為內應 逆擊罕於范擒斬之 冬十月丁未朱珍拔濮州剌 瑄朱瑾僅以身免全忠與死鄭始有隙 史丘弘禮又攻濮州與兖耶兵戰於劉橋殺數萬人未 攻濮州朱瑄遣其弟军将步騎萬人救之辛邓朱全忠 宣武都指揮使朱珍與排陳斬斫使李唐賓勇略功名 汴軍乃退瑄乗勝復取曹州以其屬郭詞為刺史 珍夜引兵赴之瑄開門納汴軍閉而殺之死者數千人 九月朱珍

於足日華全書 一

官馬翊敬翔諫日朱珍未易輕取恐其猜懼生變全忠 守門者使親吏将玄暉名珍以漢實代總其衆館驛处 略相當全忠每戰使二人偕往無不捷然二人素不相 惜其才皆不罪遣還濮州因引兵歸全忠多權數將佐 莫測其所為惟敬翔能逆知之往往助其所不及全忠 悔使人追止之珍果自疑丙子夜珍置酒召諸將唐價 疑其有異圖斬關與大梁珍亦棄軍單騎繼至全忠兩 下珍使迎其妻於大梁不白全忠全忠怒追還其妻殺 卷三十八上

全忠得之意甚恨望全忠以書假道於溥溥不許璠至 泗州溥以兵襲之郭言力戰得免而還徐汴始構怨 使時溥自以於全忠為先進官為都統顧不得淮南而 **播為淮南留後遣牙將郭言將兵干人送之感化節度** 節度使東南面招討使 朱全忠以宣武行軍司馬李 權陷鄭州 十二月癸已秦宗權所署山南東道留後趙德謹陷 朝廷以淮南久亂閏月以朱全忠無淮南

通磁把事本夫

大悦自恨得翔晚凡軍機民政悉以各之 已亥秦宗

文德元年春正月蔡将石璠将萬餘人寇陳毫朱全忠 荆南節度使張瓌留其將王建肇守城而去遺民纔數 百家

欽定四庫全書 人

遣朱珍葛從周將數千騎擊擒之矣亥以全忠為蔡州 四面行管都統代時溥諸鎮兵皆受全忠節度 二月 魏博節度使樂彦禎騎泰不灋簽六州民築羅城方八

之從訓聚亡命五百餘人為親兵謂之子将牙兵為之

十里人苦其役其子從訓尤凶險既殺王鐸魏人皆惡

蔡州遣押牙雷鄴以銀萬兩請雜於魏牙兵既逐彦禎 敗之從訓收餘聚保內黃魏人圍之先是朱全忠將討 疑彦複懼請避位居龍興寺為僧衆推都將趙文舜知 籍籍不安從訓懼易服逃出止於近縣彦複因以為相 殺都於館從訓既敗乃求救於全忠 留後事從訓引兵三萬至城下文好不出戰衆復殺之 州刺史從訓遣人至魏運甲兵金帛交錯於路牙兵益 推牙将貴鄉羅弘信知留後事弘信引兵出與從訓戰 初河陽節度使

通勤己事本夫

李军之與河南尹張全義刻臂為盟相得歡甚军之勇 與之而罕之徵求無厭河南不能給小不如所欲軟械 傳所求奈何不與竭力奉之狀若畏之者罕之益驕罕 舍一夫耳全義聞之不以為忤罕之屢求穀帛全義皆 攻絳州絳州刺史王友遇降之進攻晉州護國節度使 之所部不耕稼專以剽掠為資吗人為糧至是悉其聚 河南主吏至河陽杖之河南將佐皆憤怒全義日李太 而無謀性復貪暴意輕全義聞其勤儉力稽簽日此田

等十人 李克用以其將康君立為南面招討使督李 臨河李固三鎮進至內黃敗魏軍萬餘人獲其將周儒 軍屯滑州遣都押牙李唐賓等将步騎三萬攻蔡州遣 陽黎明入三城军之踰垣步走全義盡俘其家遂兼領 全忠裏糧於宋州將討秦宗權會樂從訓來告急乃移 都指揮使朱珍等分兵救樂從訓自白馬濟河下黎陽 河陽節度使罕之犇澤州求救於李克用 三月朱

王重盈密結全義以圖之全義潜發屯兵夜乘虛襲河

之攻河陽張全義嬰城自守城中食盡求救於朱全忠 存孝薛阿檀史儼安金俊安休休五将騎七千助李军

敏定四庫全書

城自帥騎兵逆戰於温河東軍敗安休休懼罪犇蔡州 牛存節将兵數萬我河陽李存孝令李罕之以步兵攻 以妻子為質 夏四月朱全忠遣其將丁會葛從周

汴人分兵欲斷太行路康君立等懼引兵還全忠表丁

博昌人也全義德全忠出己由是盡心附之全忠每出

高民保聚其上寇盗莫能近军之攻拔之時人謂之李 忠軍請修好全忠乃召軍還語以羅弘信權知魏博留 永邑無煙火者殆将十年河中**終州之間有摩雲山絕** 事自懷孟晉終數百里間州無刺史縣無令長田無麥 節度使罕之留其子順事克用身還澤州專以寇鈔為 訓斬之與父彦複皆泉首軍門矣己遣使以厚幣犒全 摩雲 樂從訓移軍洹水羅弘信遣其將程公信擊從

戰全義主給其糧使無乏李罕之為澤州刺史領河陽

道來降且自託於未全忠全忠表請以德謹自副制以 國軍於河南府以張全義為節度使 中州全忠分諸將為二十八寨以環之 擊秦宗權大破宗權於蔡州之南克北關門宗權退守 管副都統 朱全忠既得洛孟無西顧之憂乃大發兵 中趙德謹既失荆南且度秦宗權必敗壬寅舉山南東 山南東道為忠義軍以德語為節度使充蔡州四面行 加李克用兼侍中 巻三十八上 五月已亥加朱全忠無侍 秋七月李罕 六月置佑

滕二縣斬獲萬計 孟方立遣其将奚忠信将兵襲遼 引兵還丙申遣朱珍将兵五千送楚州刺史劉瓚之官 羅弘信為節度使 屯吳康鎮朱珍與戰大破之朱全忠又遣别將攻宿州 州李克脩邀擊擒之 冬十月徐兵邀朱珍劉瓚不聽前珍等擊之取沛 九月朱全忠以饋運不繼且泰宗權殘破不足憂 八月戊辰朱全忠拔蔡州南城 十一月時溥自将步騎七萬

之引河東兵寇河陽丁會擊却之

以權知魏博留後

的宗龍紀元年春正月汴將龐師古找宿還軍于吕梁 其足而囚之降於全忠全忠表叢為蔡州留後 刺史張友降之 丙申秦宗權别将攻陷許州執忠武 秦宗權於汁告朱全忠云叢謀復立宗權全忠以璠為 時溥逆戰大敗還保彭城、壬子蔡將郭璠殺申業送 留後王藴復取許州 欽定四庫全書 淮西留後 二月朱全忠送秦宗權至京師斬于獨 十二月蔡将申叢執宗權折

柳京兆尹孫揆監刑宗權於檻車中引首謂揆曰尚書

克蔡州軍勢益盛加奉國節度使趙德理中書令加蔡 用乘勝進攻那州方立性猜忌諸将多怨至是皆不為 數萬拒之戰於琉璃陂方立兵大敗二将皆為所擒克 方立六月拔磁沼二州方立遣大将馬溉衣奉韜将兵 孫也三月加朱全忠兼中書令進爵東平郡王全忠既 州節度使趙犨同平章事充忠武節度使以陳州為治 夏五月李克用大發兵遣李军之李存孝攻孟

通過紀事本末

察宗權豈及者邪但輸忠不效耳觀者皆笑換逃之族

信不許全忠乃遣大將王虔裕將精兵數百間道入邢 **农奉之為留後求援於朱全忠全忠假道於魏博羅弘** 方立用方立慙懼飲藥死弟攝沼州刺史遷素得士心 鱼定匹库全書 全忠来然倉猝處置違宜故留使者速夜然後從容白 往臨之珍命諸軍皆革馬廐李唐賓部將嚴郊獨惰慢 州共守 朱珍拔蕭縣據之與時溥相拒朱全忠欲自 軍吏責之唐實怒見珍訴之珍亦怒以唐賓為無禮拔 級斬之遣騎白全忠云唐實謀叛淮南左司馬敬翔恐 卷三十八上

大順元年春正月李克用急攻那州孟遷食竭力盡執 壁會大雨引兵還 十人叩頭為之請全忠怒以牀擲之乃退丁未至蕭縣 王度裕及汴兵以降克用以安金俊為邢名團練使 以龐師古代珍為都指揮使八月丙子全忠進攻時溥 珍出迎命武士執之責以專殺而誅之諸将霍存等數

通鑑犯事本末

往慰撫全忠從之軍中始安秋七月全忠如蕭縣未至

之全忠果大驚翔因為畫策詐收唐賔妻子繫旗遣騎

克用遣其将石君和将五百騎赴之李克用巡路州以 降於鐸會幽州軍至克用引還 時溥求救於河東李 子那洛團練使安全俊中流天死河東萬勝軍申信叛 成疾三月薨克用表其弟決勝軍使克恭為昭義留後 鐸求救於盧龍節度使李匡威匡威將兵三萬赴之丙 供具不厚怒的義節度使李克脩話而答之克脩輕憤 二月李克用将兵攻雲州防禦使赫連鐸克其東城 夏四月商州将張筠逐刺史張紹光附于時溥米

飲定四庫全書 /

をミナハ上

每自比謝安裝度克用之討黃巢屯河中也濟為都統 使朱友裕擊之殺三十餘人擒石君和友裕全忠之子 復恭中廢更附田令孜而薄復恭及復恭再用事深恨 共除之乞朝廷命大臣為統帥初張濟因楊復恭以進 終為國患今因其敗臣請師汴滑孟三軍與河北三鎮 之上知濟與復恭有隙特親倚之濟亦以功名為已任 赫連鐸李匡威請討李克用朱全忠亦上言克用 通维紀事本末

全忠帥諸軍討之溥出兵掠砀山全忠遣牙内都指揮

判官克用薄其為人聞其作相私謂語使曰張公好虚 亂濟曰陛下英曆如此而中外制於殭臣此臣日夜所 痛心疾首也上問以當今所急對曰莫若殭兵以服天 亂天下必是人也濟聞而銜之上從容與濟論古今治 談而無實用傾覆之士也主上采其名而用之它日交 七杜讓能劉崇望亦以為不可濟欲倚外勢以擠楊 用上命三省御史臺四品以上議之以為不可者什六 歃 -上於是廣裝兵於京師至十萬人及全忠等請討克 定四庫全書/ 卷三十八上

恭乃曰先帝再幸山南沙陀所為也臣常慮其與河朔 端上日克用有與復大功今乘其危攻之天下其謂我 由居中之臣措置未得其宜今宗廟南安不宜更造兵 一時但乞陛下付臣兵柄旬月可平失今不取後悔無 相表裏致朝廷不能制今兩河藩鎮共請討之此干載 及孔緯曰濟言是也復恭曰先朝播遷雖藩鎮跋扈亦 何緯曰陛下所言一時之體也張濟所言萬世之利也

昨計用兵饋運犒賞之費一二年間未至匮乏在陛下

通貓紀事本末

赫連鐸副之濟奏給事中牛微為行營判官藏曰國家 節度使韓建為都虞候兼供軍糧料使以朱全忠為南 東行管都招討制置宣慰使京兆尹孫揆副之以鎮國 斷志行之耳上以二相言叶個使從之曰兹事今付御 其颠沛也遂以衰疾固解微僧孺之孫也 李克恭騎 面拍討使王鎔為東面招討使李匡威為北面招討使 以喪亂之餘欲為英武之舉橫挑殭丞離諸侯心吾見 二人無貽朕盖五月韵削奪克用官爵屬籍以濟為河 定匹庫全 書 加田祖祖祖 惜之克恭遣牙将李元審及小校馮霸部送晉陽 朔令李克恭選後院将尤騎勇者五百人送晉陽 怨且懼的義有精兵號後院将克用既得三州將 輕霸劫其衆以叛循山而南至于沁水衆已三千人| 通鐵紀事本末

白河東兵以取路州及孟遷以邢洛磁州歸李克用克

憐之由是將士離心初路人叛孟氏牙将安居受等

不晓軍事潞人素樂李克脩之簡儉且死非其罪

用寵任之以遷為軍城都虞候看從皆補右職居受等

萬人發京師上御安喜樓錢之濟屏左右言於上日侯 懼出走為野人所殺霸引兵入路自為留後時朝廷方 李元審擊之為霸所傷歸于潞庚子克恭就元審所館 之王子張濬即諸軍五十二部及邠寧郎夏雜屬合五 討克用聞克恭死朝臣皆賀全忠遣河陽留後朱崇節 推居受為留後附于朱全忠居受使名馮霸不至居受 視之安居受帥其黨作亂攻而焚之克恭元審皆死衆 兵入路州權知留後克用遣康君立李存孝将兵圍

臣先除外憂然後為陛下除內患楊復恭竊聽聞之兩 耳復恭益忌之癸丑削奪李字之官爵六月以孫揆為 之曰相公杖鉞專征作態形濟曰俟平賊還方見作態 全忠遣驍将葛從周将干騎潜自壺關夜抵潞州犯圍 **昭義節度使充招討副使** 軍中尉錢濟於長樂坂復恭屬濟酒溶解以醉復恭戲 入城又遣别将李謹李重角鄧李筠将兵攻李字之於澤 保大定難諸軍於晉州 秋七月官軍至陰地闊朱 張溶會宣武鎮國静難鳳

通监犯事本末

七丑 揆發晉州李存孝聞之以三百騎伏於長子西谷中 恐昭義遂為汴人所據分兵二千使揆将之趣潞州八月 州又遣張全義朱友裕軍於澤州之北為從周應援季筠 殺之存孝械揆及歸範訴以素練徇於潞州城下曰朝 廷以孫尚書為路即命韓天使賜旌節葛僕射可速歸 節中使韓歸範牙兵五百餘人追擊餘衆於刀黃嶺盡 揆建才杖節褒衣大蓋摊栗而行存孝突出擒揆及賜旌 下邑人也全忠奏臣已遣兵守潞州請孫揆赴鎮張濬亦 定匹庫全 1

人誘之欲以為河東副使揆日吾天子大臣兵敗而死 大梁令尚書視事遂新以獻於克用克用囚之既而使 將五十 騎教之 分也豈能復事鎮使邪克用怒命以鋸鋸之鋸不能入 之初圍澤州也呼李军之日相公每恃河東輕絕當道 至死罵不絕聲 李军之告急於李克用克用遣存孝 按罵曰死狗奴鋸人當用板夾汝豈知邪乃以板夾之! 今張相公園太原葛僕射入路府旬日之間沙陀無穴! 九月壬寅朱全忠軍于河陽汴軍

九己日事 公善

之是夕李謹李重肯收衆通去存孝罕之隨而擊之至 寒呼日我沙陀之求穴者也欲得爾肉以飽士卒可令 将挽敗之罪斬李讚李重脩而還李克用以康君立為 肥者出關汴將鄧李筠亦競將也引兵出戰存孝生擒 馬牢山大破之斬獲萬計追至懷州而還存孝復引兵 攻潞州葛從周朱崇節棄潞州而歸戊申全忠庭責諸 昭義留後李存孝為汾州刺史存孝自謂擒孫揆功大

自藏相公何路求生邪及李存孝至選精騎五百統汴

當鎮昭義而君立得之憤恚不食者數日縱意刑殺始 克用遣其將李存信擊之不勝更命李嗣源為存信之 喜以口擊賊嗣源但以手擊賊耳衆慙而止 重廉儉諸將相會各自說勇略嗣源獨默然徐曰諸君 鐸引吐蕃競曼斯衆數萬攻遮屬平殺其軍使劉胡子 有叛克用之志李匡威攻蔚州屬其刺史邢善益赫連 之子武州刺史仁宗及鐸之壻俘斬萬計李嗣源性謹 副逐破之克用以大軍繼其後匡威鐸皆敗走獲匡威

通盛地 事本人

李存孝将兵五千營于趙城鎮國節度使韓建以壯士 許全忠乃自黎陽濟河擊魏 官軍出陰地關遊兵至 于汾州李克用遣薛志勒李承嗣将騎三千營于洪洞 難鳳翔之兵不戰而走禁軍自潰河東兵来勝逐北抵 月乙酉朱全忠自河陽如滑州視事遣使者請糧馬及 三百夜襲存孝管存孝知之設伏以待之建兵不利静 假道于魏以伐河東羅弘信不許又請於鎮鎮人亦不

晉州西門張濟出戰又敢官軍死者近三十人静難鳳

飲定四庫全書

與其衆謀曰張濟宰相俘之無益天子禁兵不宜加害 翔保大定難之軍先渡河西歸濟獨有禁軍及宣武軍 致陛下今日冠通天之冠佩白玉之璽未必非臣之力 臣父子三代受恩四朝破靡動剪黃果點襄王存易定 乃退五十里而軍濟建自含口道去存孝取晉絳二州 絳州十一月刺史張行恭棄城走存孝進攻晉州三日 合萬人與韓建閉城拒守自是不敢復出存孝引兵攻 大掠然風之境先是克用遣韓歸範歸朝附表訟寛言 通鑑犯事本末

之侵徐鄆何獨不討賞彼誅此臣宣無辭且朝廷當的 也若以攻雲州為臣罪則拓跋思恭之取鄜延朱全忠 羯胡夷今天下握兵立功之臣獨不懼陛下它日之馬 危之時則譽臣為韓彭伊日及既安之後則罵臣為戎 敏定四庫全書 然方且輕騎叶閣頓首丹陛訴姦回於陛下之展座納 五十萬欲直抵蒲潼與濟格關若其不勝甘從削奪不 乎況臣果有大罪六師征之自有典刑何必幸臣之弱 而後取之邪今張濟既出師則固難東手已集善漢兵

身不至行營乃求兵糧於鎮魏鎮魏倚河東為打散皆 擒幽雲俱敗楊復恭復從中沮之故濟軍望風自潰 不出兵惟華邠鳳翔郡夏之兵會之兵未交而孫揆被 三鎮及濟至晉州全忠方連兵徐鄆雖遣将攻澤州而 以濟河師徒失亡殆盡是役也朝廷倚朱全忠及河朔 已敗朝廷震恐濟與韓建瑜王屋至河陽撤民屋為稅 十二月辛丑汴將丁會葛從周擊魏渡河取黎陽臨 通鑑紀事本末

制敕於先帝之廟庭然後自拘司敗恭俟鈇質表至濟

河雁師古霍存下淇門衛縣朱全忠自以大軍繼之 二年春正月羅弘信軍于內黃丙辰朱全忠擊之五戰 欽定四庫全書/ 卷三十八上

中制以太保門下侍郎同平章事礼緯為荆南節度使 忠命止焚掠歸其俘還軍河上魏博自是服於汴 皆捷至永定橋斬首萬餘級弘信懼遣使厚幣請和全

中書侍郎同平章事張濟為鄂岳觀察使以翰林學士

承旨兵部侍郎崔昭韓同平章事御史中及徐彦若為

户部侍郎同平章事昭篇慎由從子彦若商之子也楊

克用守中書令復李罕之官爵再貶張澹繡州司户 進退行止伏侯指麾部再貶孔緯均州刺史張濬連州 刺史賜克用部悉復其官爵使歸晉陽 無官爵名是罪人不敢歸陛下藩方且欲於河中寄寓 三月張潘至藍田逃梅華州依韓建與孔綿客求救 二月加李

能自免李克用復遣使上表曰張濟以陛下萬代之業

邀自己一時之功知臣與朱温深仇私相連結臣今身

復恭使人劫孔綿於長樂坡斬其旌節資裝俱盡緯僅

克用急攻雲州赫連鐸食盡犇吐谷渾部既而歸於幽 於朱全忠全忠上表為緯濟於冤朝廷不得已並聽自 便緯至商州而還亦寓居華州 州克用表大将石善友為大同防禦使 那沼節度使 潞遂涉懷孟之境朱全忠遣其将丁會攻宿州克其外 李存孝勸李克用攻鎮州克用從之八月克用南巡澤 **平擊赫連鐸敗其兵於河上進圖雲州** 冬十月壬午宿州刺史張筠降于丁會 李声 夏四月李克用大

溥將劉知俊師聚二千降於全忠知俊沛人徐之驍將 之殺獲好盡瑾單騎走免 也溥軍自是不振全忠以知俊為左右開道指揮使 元氏柏鄉李匡威引幽州兵救之克用大掠而還軍于 用攻王鎔大破鎮兵於龍尾崗斬獲萬計遂拔臨城攻 十二月乙酉汴將丁會張歸霸與朱瑾戰於金鄉大破 泰寧節度使朱瑾将萬餘人攻單州 乙丑時 十一月曹州都將郭錄殺刺史郭詞降於朱 通鑑犯事本末

克用遣其将李嗣勲擊之大破幽鎮兵斬獲三萬 景福元年春正月王鎔李匡威合兵十餘萬攻党山李 二月戊寅朱全忠出兵擊朱瑄遣其子友裕将兵前行

新定四庫全書

軍于斗門 甲申朱全忠至衛南朱瑄将步騎萬人襲

徐州韶以門下侍郎同平章事劉崇望同平章事克感 值水災人死者什六七溥困甚請和於全忠全忠曰必 徐泗濠三州民不得耕穫兖鄆河東兵殺之皆無功復 移鎮乃可溥許之全忠乃奏請移溥它鎮仍命大臣鎮 化節度使以專為太子太師溥思全忠詐而殺之據城 不奉的崇望及華陰而還 忠義節度使趙德謹薨子 三月李克用王處存合兵攻王鎔奏丑

通鑑紀事本末

節度使張全義兼河陽節度使 未全忠連年攻時溥

申君慶以大軍至克用遷入雲州丁西出擊匡威等大 辛酉克用退屯藥城詔和解河東及鎮定幽四鎮 兵八萬寇雲州遣其將李君慶發兵於晉陽克用潜入 夏四月李匡威出兵侵雲代壬寅李克用始引兵還 拔天長鎮戊午鎔與戰於新市大破之殺獲二萬餘人 新城伏兵於神堆擒吐谷渾邏騎三百匡威等大驚丙 定四庫全書 秋八月李克用北巡至天寧軍間李匡威赫連鐸将

破之已亥匡威等烧管而遁追至天成軍斬獲不可勝

遣李嗣勲等擊破之存信還潜存孝無心擊賊疑與之 **園尭山存孝救之不克克用以存信為蕃漢馬步都持 溥為侍中感化節度朱全忠奏請追溥新命韵翰解之** 勝之乃建議取鎮真存信從中沮之不時聽許及王鎔 子不相睦存信有電於克用存孝在那州欲立大功以 揮使與存孝共擊之二人互相猜忌逗留不進克用更 初那名磁州留後李存孝與李存信俱為李克用

飲定四車全書 慶

3

九月時再迫監軍奏稱將士留己冬十月復以

遂令友裕移兵擊時溥 忠遣其子友裕将兵十萬攻濮州拔之執其刺史邵倫 史張遜泗州刺史張諫以州附于朱全忠 乙未朱全 為那名磁節度使不許會兵 二年春正月時溥遣兵攻宿州刺史郭言戰死 自歸於朝廷乞賜旌節及會諸道兵討克用韶以存孝 信愤怨且懼及禍乃潛結王鎔及朱全忠上表以三州 有私約存孝聞之自以有功於克用而信任顧不及存 一月時溥濠州

克用怒斬藏海進兵擊鎔敗鎔兵於平山辛已攻天長 鎮旬日不下鎔出兵三萬教之克用逆戰於叱日領下 與朱友裕合擊徐充兵於石佛山下大破之瑾通歸充 三十軍曹州以備之瑾将兵二萬救徐州存引兵赴之 吗之 時漸求救於朱瑾朱全忠遣其將霍存將騎兵 大破之斬首萬餘級餘泉潰去河東軍無食脯其尸而 州辛卯徐兵復出存戰死 李克用進下井脛李存孝 通點紀事本末

飲定四庫全書一人

月李克用引兵圍那州王鎔遣牙將王藏海致書解之

恭以書替友裕於全忠全忠怒驛書下都指揮使罷師 豪城輦金帛二十萬以酬之 朱友裕團彭城時溥數 |兵救鎔敗河東兵於元氏克用引還那州鎔搞匡威於 臨必欲真決雌雄顔角逐於常山之尾甲午李匡威引 萬精兵抑而未進克用復書言價實屯軍都下願望降 全忠方與時溥相攻不能救但遺克用書言鄰下有十 将兵救王鎔遂入鎮州與鎔計事鎔又乞師於朱全忠 出兵友裕閉壁不戰朱瑾宵遁友裕不追都虞候朱友

之謀議或将兵出至中途夫人以為不可遣一介召之 子張夫人砀山人多智略全忠敬憚之雖軍府事時與 州友恭壽春人李彦威也幼為全忠家僮全忠養以為 兵衆東身歸罪無異志明美全忠悟而捨之使權知許 庭全忠命左右捽抑將斬之夫人趨就抱之泣曰汝捨 千騎逃入山中潛詣碭山匿於伯父全显之所全忠夫 人張氏聞之使友裕單騎話汴州見全忠泣涕拜伏於

通线犯事本末

古使代之将且按其事書誤達於友格友裕大懼以二

等據軍府自稱留後以符追行營兵匡威限潰歸但與 全忠立為之返雁師古攻佛山寨拔之自是徐兵不敢 之妻美匡威醉而淫之二月匡威自鎮州還至博野匡 親近留深州進退無所之遣判官李抱真入奏請歸京 鎮州為築第父事之 杜稷士民或窠匿山谷王鎔德其以巳故致失地迎歸 師京師屢更大亂聞匡威来坊市人恐曰金頭王來圖 李匡威之救王鎔也將發幽州家人會别弟區等 夏四月汴軍攻徐州累月不

克通事官張濤以書白未全忠云進兵時日非良故無 舉族登舊子樓自焚死已丑全忠入彭城以宋州刺史 其書癸未全忠自將如徐州戊子雁師古拔彭城時溥 困旦夕且下使将士聞此言則解於攻取美全忠乃焚 張廷範知感化留後奏乞朝廷除文臣為節度使 李 功全忠以為然敬翔曰今攻城累月所費甚多徐人已 匡威以鎔年少且樂真定風土潛謀奪之李抱真自京 匡威在鎮州為王鎔完城塹繕甲兵訓士卒視之如子

通鑑犯事本本

親軍閉之有屠者墨君和自缺垣躍出拳殿匡威甲士 陳兵入府會大風雷雨屋瓦皆振匡威入東偏門鎮之 以有今日公欲得四州此固鎔之願也不若與公共歸 伏兵劫之鎔趨抱匡威曰鎔為晉人所困幾亡矣賴公 愛之不徇匡威匡威忌日鎔就第弔之匡威素服表甲 師還為之畫策陰以恩施悦其將士王氏在鎮火鎮人 挾鎔於馬上負之登屋鎮人既得鎔攻匡威殺之并且 府以位讓公則將士莫之拒矣匡威以為然與鎔駢馬

成卒奉仁恭為帥還攻幽州至居庸關為府兵所敗仁 恭犇河東李克用厚待之 鎔之樂壽武殭以報殺匡威之形 劉仁恭将兵戍蔚州遇期未代士卒思歸會李匡籌立 以兵糧二十萬助攻那州克用許之克用治兵於樂城 兵救邢州李克用敗之於平山壬申進擊鎮州鎔懼請 We sy terr co (TA 通鑑紀事本末 六月李匡籌出兵攻王 秋七月王鎔遣

族黨鎔時年十七體球瘦為君和所挾頸痛頭偏者累

日李匡等奏翰殺其兄請舉兵復冤說不許

輕成即歸晉陽尚書所憚者獨大王耳諸將非尚書敵 自引兵攻那州掘塹築壘環之存孝時出兵突擊塹壘 全忠命雁師古移兵攻兖州與未瑾戰屢破之 也犬王若歸咫尺之塹安能沮尚書之鋒銳邪存孝以 不能成河東牙將袁奉韜家使人謂存孝曰大王惟俟 月李存孝夜犯李存信營勇奉誠軍使孫考老李克用 合鎔兵三萬進屯任縣李存信屯琉璃陂 為然按兵不出旬日輕壘成飛走不能越存孝由是逐

窮汁將鄧季筠從克用攻那州輕騎逃歸朱全忠大喜 讒慝安肯捨父子而從仇讐乎願一見王死不恨克用 乾寧元年春正月以李匡等為盧龍節度使 鄆兵大敗死者萬餘人 使將親軍 李存孝登城謂李克用曰兒家王恩得富貴茍非困於 朱全忠自將擊朱瑄軍于魚山瑄與朱瑾合兵攻之兖 朱瑄朱瑾引兵救之 十二月汴將葛從周攻齊州刺史朱威 三月那州城中食盡甲申

於 足 日 華 全 書一八

通鑑紀事本末

使劉夫人視之夫人引存孝出見克用存孝沉首謝罪 萬人辟易每以二馬自隨馬稍之就陳中易之出入如 陽車裂於牙門存孝競勇克用軍中皆莫及常將騎兵 諸将疾其能竟無一人言者既死克用為之不視事者 飛克用惜其才意臨刑諸將必為之請因而釋之既而 為先鋒所向無敵身被重鎧腰弓開槊獨舞鐵過陷陣 朱全忠王鎔書毀我萬端亦存信教汝乎囚之歸于晉 曰兒粗立微劳存信逼兒失圖至此克用叱之曰汝遺

威矣克用表馬師素為那沼節度使 旬日私恨諸将而於李存信竟無所譴又有薛阿檀者 吐谷渾殺赫連鐸擒白義誠 遷督精騎五百假道於魏渡河應之六月李克用大破 孝誅恐事泄遂自殺自是克用兵勢浸弱而朱全忠獨 其勇與存孝相侔諸將疾之常不得志密與存孝通存 八瑾求救於河東李克用遣騎將安福順及弟福慶福 秋八月昭義節度使 夏五月朱瑄

康君立詣晉陽謁李克用克用會諸將飲博酒酣克用

通鑑犯事本末

克李匡等益騎數侵河東之境克用怒十一月大舉 語及李存孝流涕不已君立素與李存信善一言件旨 坐州克用方攻邢州分兵數千欲納仁恭於坐州 月 死克用表雲州刺史薛志誠為昭義留後 匡籌拔武州進園新州 用拔劔斫之囚於馬步司九月庚申朔出之君立已 定四庫全書 劉仁恭數因蓋寓獻策於李克用願得兵萬人 十二月李匡籌遣大將

/騎數萬救新州李克用選精兵逆戰於段莊大破

之斬首萬餘級生擒將校三百人以練訴之徇於城下 養以為子丙辰克用進軍幽州其大將請降匡籌素暗 出其背夾擊之幽州兵大敗殺獲萬計甲寅李匡籌挈 關克用使精騎當其前以疲之遣步將李存審自忙道 是夕新州降辛亥進攻媯州壬子匡籌復發兵出居庸 攻之於景城殺之盡俘其衆存審本姓符宛丘人克用 其族犇滄州義昌節度使盧彦威利其輜重妓妄遣兵 懦初據軍府兄匡威聞之謂諸将曰兄失弟得不出吾! 通鑑紀事本末

家亦復何恨但惜臣籌才短不能保守得及二年幸矣 府舍克用命符存審劉仁恭將兵略定巡屬 癸未朱 二年春正月幽州軍民數萬以塵益歌鼓迎李克用入

恭設伏敗之於高格盡奪其鉤擒河東将安福順安福

全忠遣其將朱友恭園兖州朱瑄自鄆以兵糧救之友

克用皆以為都將分掌幽州兵部下士卒皆山北之豪

壬子還晉陽妈州人高思繼兄弟有武幹為燕人所服

二月李克用表劉仁恭為盧龍留後留兵戊之

一梁山瑄敗走還耶 尚書諸道租庸使 置帳下厚撫之 壬辰以緯為吏部尚書復其階爵癸巳以張濬為兵部 **邓以前均州刺史孔緯繡州司户張濬並為太子賓客** 兄弟所為克用俱殺之仁恭欲收燕人心復引其諸子 灋裁之所誅殺甚多克用怒以讓仁恭仁恭訴稱高氏 也仁恭憚之久之河東兵戍幽州者暴横思繼兄弟以 三月加王鎔無侍中 夏六月辛 通鑑紀事本末 冬十月米全忠遣都将葛從周 九月朱全忠自将擊朱瑄戰於

擊兖州自以大軍繼之癸卯園兖州 懷實停士卒三千餘人是日晡後大風沙塵晦冥全忠 襲曹州以解兖州之園壞濮陽人也丁卯全忠自中都 朱瑄遣其將賀瓌柳存及河東將何懷實將兵萬餘人 處存薨軍中推其子節度副使部為留後 曰此殺人未足耳下令所得之俘盡殺之庚午縛壞等 引兵夜追之比明至鉅野南及之屠殺殆盡生擒壞存 齊州刺史朱瓊舉州降於朱全忠瓊瑾之從父兄也 義武節度使王

去兖州也留葛從周将兵守之朱瑾閉城不復出從周 禦使殺柳存何懷實聞賀瓌名釋而用之 未全忠之 将還乃揚言天平河東救兵至引兵西北邀之夜半智 何於兖州城下謂朱瑾日卿兄已敗何不早降 朱瑾 馬橋上伏聽果董懷進於橋下瓊至懷進突出擒之以 偽遣使請降於朱全忠全忠自就延壽門下與瑾語瑾 日欲送符印願使兄瓊來領之辛已全忠使瓊往瑾立 入須臾擲首城外全忠乃引兵還以瓊弟此為齊州防 通鑑紀事本木

歸故寨瑾以從周精兵悉出果出兵攻寨從周突出奮 信曰克用志吞河朔師還之日貴道可憂存信敢衆不 騎假道于魏以救兖軍軍于華縣朱全忠使人謂羅弘 遣其大将史儼李承嗣將數千騎假道于魏以救之 大全忠所攻民失耕稼財力俱製告急於河東李克用 擊殺千餘人擒其都將孫漢筠而還 朱瑄朱瑾屢為 三年春閏正月李克用遣蕃漢都指揮使李存信將萬

嚴侵暴魏人弘信怒發兵三萬夜襲之存信軍潰退保

江紅定四庫全書

且言濟朝為相臣則夕至關廷京師震懼上下部和解 者北向拜受之曰六兄於予倍年以長固非諸鄰之比 兵部尚書張濬上欲復相之李克用表請發兵擊全忠 之軍陽絕不得還弘信自是與河東絕專志於汴全忠 弘信信之全忠以是得專意東方 方圖充耶畏弘信議其後弘信每有贈遺全忠必對使 沼州喪士卒什二三委棄資糧兵械萬數史儼李承嗣 AL) OF THE AL ALIA 三月未全忠遣雁師古将兵伐鄆州敗鄆兵於 通鑑紀事本末 二月朱全忠薦

落馬遇坎而躓汴人生擒之克用自往救之馬亦躓幾 救魏博留 雁師古攻郭州 掠編六州朱全忠召葛從周於鄆州使將兵營洹水以 馬頰遂抵其城下 汴人多

攀坎於陳前戰方酬克用之子鐵林指揮使落 水殺魏兵萬餘進攻魏州 欠匹犀百 11 夏四月李克用擊羅弘信攻洹 五月李克用攻魏博侵 六月克用引兵擊從周

為汴人所獲克用顧射於将一人斃之乃得免克用請

修好以贖落落全忠不許以與羅弘信使殺之克用引

清敗汴將葛從周於宗城北乘勝至魏州北門 之克用乃還 門朱全忠復遣葛從周敦之屯於洹水全忠以大軍繼 十月李克用自將攻魏州敗魏兵於白龍潭追至觀音 得前兖耶由是不振 據屢求救於李克用克用發兵赴之為羅弘信所拒不 **鄆河東之兵戰于故樂亭破之兖鄆屬城皆為汴人所** 十一月朱全忠還大梁復遣葛從周 秋九月河東將李存信攻臨

通鑑紀事本末

軍還葛從周自洹水引兵濟河屯于楊劉復擊鄆及兖

四年春正月雁師古葛從周併兵攻鄆州朱瑄兵少食

水西南命為浮梁辛已潛決壞水丙申浮梁成師古夜

後未瑾留大將康懷貞守兖州與河東将史儼李承嗣

掠徐州之境以給軍食全忠聞之遣葛從周将兵襲兖

瑄及妻子以獻 朱全忠入鄆州以雁師古為天平留

以中軍先濟瑄聞之棄城犇中都葛從周逐之野人執

盡不復出戰但引水為深壕以自固辛卯師古等營於

度使全忠納瑾之妻引兵還張夫人迎於封丘全忠以 拟唇於此它日汴州失守吾亦如吾奴之今日乎全忠 得瑾妻告之夫人請見之瑾妻拜夫人答拜且泣曰究 州民渡淮森楊行客行客逆之於高郵表瑾領武寧節 鄆與司空同姓約為兄弟以小故恨望起兵相攻使吾 **飲定四車全書一人** 尹處賓不納走保海州為汴兵所逼與史儼李承嗣擁 入兖州獲瑾妻子朱瑾還無所歸帥其衆趨沂州刺史 通線紀事本末

州懷貞聞鄆州已失守汴兵奄至遂降二月戊申從周

克用取幽州表劉仁恭為節度使留成兵及腹心将十 青一道亦服於全忠李存信在魏州聞充耶皆陷引兵 詰楊行家請之行家許之亦遣使詣克用修好 初李 **逮淮南舊善水戰不知騎射及得河東兖鄆兵軍擊大 兖沂家徐宿陳許鄭滑濮皆入于全忠惟王師範保淄** 乃送蓮妻於佛寺為尼斯朱瑄於汗橋於是鄭齊曹棣 振史嚴李承嗣皆河東驍将李克用深惜之遣使問道 人典其機要租賦供軍之外悉輸晉陽及上幸華州克

攻之幽州将單可及引騎兵至克用方飲酒前鋒白賊 自将擊仁恭 其使者欲殺河東成將成將追逃獲免克用大怒八月 繼數月兵不出克用移書賣之仁恭抵書於地慢罵囚 至矣克用醉曰仁恭何在對曰但見可及輩克用瞋目 部書欲與之共定關中奉天子還長安仁恭辭以契丹 用徴兵於仁恭又遺成德節度使王鎔義武節度使王 入寇須兵扞禁俟虜退然後承命克用屬趣之使者相 秋九月丁丑李克用至安塞軍辛已

通鑑紀事本末

忠奏加仁恭同平章事朝廷從之仁恭又遣使謝克用 州将楊師侃伏兵於木瓜澗河東兵大敗失亡太半會 瓜澗請自為統帥以討克用詔不許又遺朱全忠書全 日可及單何足為敵區命擊之是日大霧不辨人物幽 仁恭奏稱李克用無故稱兵見討本道大破其黨于木 存信等曰吾以醉廢事汝曹何不力爭 風雨震電幽州兵解去克用醒而後知敗責大將李 去就不自安之意克用復書略曰今公仗鐵控兵理 冬十月劉

光化元年春三月義目節度使盧彦威性殘虐又不禮 恭兵勢益盛自謂得天助有併吞河朔之志為守文請 文将兵襲滄州彦威棄城挈家奔魏州羅弘信不納乃 於鄰道與盧龍節度使劉仁恭争鹽利仁恭遣其子守 奔汴州仁恭遂取滄景徳三州以守文為義昌留後仁 而不敢授人捧盟盤而何詞著誓 何足信僕料精防出於骨肉嫌思生於屏帷持干將

到監巴ドトン

民立灋擢士則欲其報德選將則望彼酬恩已尚不然

夏四月丁未全忠至鉅鹿城下敗河東兵萬餘人逐北 旌節朝廷未許會中使至范陽仁恭語之曰旌節吾自 拔之斬刺史那善益 悖慢如此朱全忠與劉仁恭修好會魏博兵擊李克用 飲定四庫全書 / 馬師素棄城走辛未磁州刺史表奉滔自到全忠以從 至青山口 丁未朱全忠遣葛從周分兵攻洺州戊辰 有之但欲得長安本色耳何為累章見拒為吾言之其 **周為昭義留後守邢沼磁三州而還** 夏五月葛從周攻邢州刺史

節度副使給威知留後 從周追之將扼其歸路步兵自潰嗣昭不能制會横衝 忠不從 進攻那州葛從周出戰大破之嗣昭等引兵退入青山 嗣昭周德威将步騎三萬出青山將復山東三州壬寅 使賜李克用朱全忠詔又令宰相與之書使之和解克 用欲奉詔而恥於先自屈乃致書王鎔使通於全忠全 九月魏博節度使羅弘信薨軍中推其子 冬十月李克用遣其將李

通鑑紀事本末

藩鎮相與輯睦以太子賓客張有孚為河東汴州宣慰

擅引澤州兵夜入潞州據之以狀白克用曰薛鐵山死 解鞍厲鏃臨高布陳左右指畫邢人莫之測嗣源直前 都將李嗣源以所部兵至謂嗣昭曰吾輩亦去則勢不 新定四庫全書 · 卷三十八上 州民無主應不逞者為變故罕之專命鎮撫取王裁旨 知魏博留後 十一月以魏博留後羅紹威為節度使 奮擊嗣昭繼之從周乃退德威馬邑人也 以羅紹威 可支矣我試為公擊之嗣昭曰善我請從公後嗣源乃 十二月昭義節度使薛志勤薨旬日無帥李罕之

克用怒遣人讓之罕之遂遣其子顥請降于朱全忠克 恭發幽滄等十二州兵十萬欲無河朔攻貝州拔之城 用遣李嗣昭将兵討之 二年春正月朱全忠表李罕之為昭義節度使 劉仁

中萬餘户盡屠之投尸清水由是諸城各堅守不下仁

恭進于魏州管于城北魏博節度使羅紹威求救於朱

魏博屯于内黄癸卯全忠以中軍軍于滑州劉仁恭謂 尺 N. 刁 臣 1. 二 通缀紀事本末 三月朱全忠遣其將李思安張存敬将兵救

其子守文曰汝勇十倍於思安當先虜鼠輩後擒紹威 逆戰於繁陽陽不勝而却守文逐之及內黃之北思安勒 內黄丁未思安使其将表象先伏兵於清水之右思安 兵還戰伏兵發夾擊之幽州兵大敗斬可及殺獲三萬 耳乃遣守文及其妹将單可及将精兵五萬擊思安於 喪氣思安陳留人也時葛從周自那州将精騎八百已 人守文僅以身免可及幽州縣將號單無敵燕軍失之 入魏州戊申仁恭攻上水關館陶門從周與宣義牙将 皮匹庫全書 ■

從周等殊死戰仁恭復大敗擒其將薛突厥王鄶郎明 且求救士干李克用遺李嗣昭将兵救之會仁恭已為 胡人也劉仁恭之攻魏州也羅紹威遣使修好於河東 間僵尸相枕仁恭自是不振而全忠益横矣徳倫河西 不可勝紀鎮人亦出兵邀擊於東境自魏至滄五百里 道汴魏之人長驅追之至臨清擁其衆入永濟渠殺弱 日汴魏乗勝合兵擊仁恭破其八寨仁恭父子燒管而 通出犯事本末

賀徳倫出戰顧門者曰前有大敵不可逐顧命闔其扉

之以戒德威德威曰彼大言耳戰于洞渦德威後服往 徳威擊之叔琮有驍將陳章號陳夜义為前鋒請於叔 琮曰河東所恃者周陽五請擒之求一州為賞克用聞 馬嶺入拔遼州樂平進軍榆次李克用遣內牙軍副周 汴兵所敗紹威復與河東絕嗣昭引還 葛從周乘破 **撾擊之墜馬生擒以獻因擊叔琮大破之斬首三千級** 幽州之勢自土門攻河東拔承天軍别將 氏叔琮自 挑戰謂其屬曰汝見陳夜义即走章果逐之德威奮鐵

新定四庫全書 |

卷三十八上

君慶解園去克用誅君慶及其神将伊審李弘襲以李 將張存敬救之士寅又遣丁會將兵繼之大破河東兵 兵攻李罕之已亥圖潞州朱全忠出屯河陽辛丑遣其 权琮棄管走德威追之出石會關又斬千餘級從周亦 丑字军之疾虽丁郊全忠表军之為河陽節度使以丁 嗣昭為蕃漢馬步都指揮使代之攻潞州 引逐 丁已朱全忠遣河陽節度使丁會攻澤州下之 夏五月李克用遣蕃漢馬步都指揮使李君慶將 六月て

P N 9 巨 L La 通维红事本末

李嗣的引兵至路州城下分兵攻澤州已已汴將劉把 棄澤州走河東兵進拔天井 關以李存璋為澤州刺史 月朱全忠召葛從周於路州使賀徳倫守之八月丙寅 從周代會守路州 附城三十里禾黍皆刈之乙酉徳倫等乗城宵遁趣 賀德倫守城不出李嗣昭日以鐵騎環其城捕芻牧者 會為的義節度使未幾又以其將張歸霸守那州遣葛 河東将李存審伏兵邀擊之殺獲甚眾葛從周以 丁丑李罕之薨于懷州

萬擊劉仁恭五月仁恭遣使軍解厚禮求救於河東李 兵至聞德倫等已敗乃還 三年夏四月朱全忠遣葛從周帥兖鄆滑魏四鎮兵十

走保瓦橋秋七月李克用復遣都指揮使李嗣昭将兵 克用遣周德威將五十騎出黃澤攻那洛以救之 周将精兵逆戰於老鴟隄大破仁恭斬首三萬級仁恭 六月劉仁恭將幽州兵五萬救滄州營於乾寧軍葛從

五萬攻那沼以救仁恭敗汴軍於內丘王鎔遣使和解

通鑑紀事本末

通移兵伐之下臨城踰滹沱攻鎮州南門焚其關城全 **昭拔洺州擒刺史朱紹宗全忠命葛從周將兵擊嗣昭** 幽汴會久雨朱全忠召從周還 忠自至元氏鎔懼遣判官周式請全忠請和全忠威怒 於青山口邀擊大破之 朱全忠以王鎔與李克用交 自將中軍三萬涉名水置管李嗣昭棄城走從周設伏 汴軍于沙門河攻洺州乙丑朱全忠引兵救之未至嗣 **灾匹厚全** 九月葛從周自鄴縣度漳水管於黃龍鎮朱全忠 八月李嗣昭又敗

謂式曰僕屢以書諭王公竟不之聽今兵已至此期於 孝人人欲為之死庸可其乎全忠笑攬式袂延之帳中 禮義以成霸業若但窮威武則鎮州雖小城堅食足明 除害則天下誰不聽命豈惟鎮州明公為唐桓文當崇 教恤王公與之連和乃為百姓故也今明公果能為人 無捨式曰鎮州客邇太原困於侵暴四鄰各自保莫 日與公戲耳乃遣客將開封劉捍入見鎔鎔以其子節 公雖有十萬之衆未易攻也況王氏秉旄五代時推忠 」.」. ■ 通鑑紀事本末

忠引還以女妻的作成德判官張澤言於王鎔曰河東 乎彼幽滄易定猶附河東不若說朱公乗勝兼服之使 勍敵也今雖有朱氏之援譬如火發於家安能俟遠水 度副使昭祚及大将子弟為質以文繒二十萬犒軍全 瀛州冬十月丙辰拔景州執刺史劉仁霸辛酉拔莫州 說全忠全忠喜遣張存敬會魏博兵擊劉仁恭甲寅拔 河北諸鎮合而為一則可以制河東矣鎔復遣周式往

四庫全書

卷三十八上

張存敬攻劉仁恭下二十城將自瓦橋趣幽州道濘

棄城舞晉陽軍中推處直為留後存敬進圍定州內申 軍不滿五十一戰敗之今存敬兵不過三萬我軍十倍 擊之孔目官梁汶曰昔幽鎮合兵三十萬攻我于時我 於昔奈何示怯欲依城自固乎部乃遣處直逆戰于沙 張存敬攻定州義武節度使王部遣後院都知兵馬使 河易定兵大败死者過半餘聚擁處直犇還甲申王部 王處直將兵數萬拒之處直請依城為柵俟其師老而

通鑑犯事本末

不能進乃引兵西攻易定辛已拔祁州殺刺史楊約

一盆定四庫全書 1 處直處存之母弟也劉仁恭遣其子守光将兵救定州 晉王同時立熟封疆客運且昏烟也修好往來乃常理 未當相犯何為見攻全忠曰何故附河東對日吾兄與 朱全忠至城下處直登城呼日本道事朝廷盡忠於公 軍於易水之上全忠遣張存敬襲之殺六萬餘人由是 全忠以繒帛十萬搞師全忠乃還仍為處直表求節越 耳請從茲改圖全忠許之乃歸罪於梁汶而族之以謝 河北諸鎮皆服於全忠先是王部告急於河東李克用

遭李嗣昭将步騎三萬下太行攻懷州拔之進攻河陽 天復元年春正月朱全忠既服河北欲先取河中以制 會佑國軍將問實引兵救之力戰於壞外河東兵乃退 河東已亥召諸將謂曰王珂駕材恃太原自驕大吾今 河陽留後侯言不意其至狼狽失據嗣昭壞其羊馬城

兵三萬自氾水渡河出含山路以襲之全忠以中軍繼

灾 ND 日 車 da Allo

断長蛇之腰諸君為我以一絕縛之庚子遣張存敬將

東援兵之路朝廷恐全忠西入關急賜部和解之全忠 大人何忍不救克用報曰今賊兵塞晉絳衆寡不敢進 先據晉絳兵不得進珂妻遺克用書曰兒旦暮為俘虜 忠遣其將侯言守晉州何綱守絳州屯兵二萬以扼河 其後戊申存敬至絳州晉絳不意其至皆無守倫庚戊 絳州刺史陶建到降之士子晉州刺史張漢瑜降之全! 不從珂遣間使告急於李克用道路相繼克用以示人 則與汝两亡不若與王郎舉族歸朝珂又遺李茂貞書

言天子新返正部藩鎮無得相攻同獎王室今朱公不 關中諸鎮兵固守潼關赴救河中僕自知不武願於公 朔河東将李嗣昭攻澤州拔之乙卯張存敬引兵發晉 俱不自保天子神器拱手授人其勢必然矣公宜亟帥 州已未至河中遂圍之王珂勢窮將犇京師而人心離 公此舉願審思之茂貞素無遠圖不報 西偏授一小鎮此地請公有之關中安危國祚脩短繫 顧詔命首與兵相加其心可見河中若亡則同華郊岐 二月甲寅

通鑑犯事本末

夜登舟親諭守城者皆不應牙將劉訓曰令人情擾擾 貳會浮梁壞流澌塞河舟行甚難珂挈其族數百人欲 家世事分請公退舎侯朱公至吾自以城授之存敬從 使以牌印請降於存敬存敬請開城珂日吾於朱公有 送款存敬徐圖向背珂從之壬戌珂植白幡於城隅遣 若夜出沙河必爭舟紛亂一夫作難事不可知不若且 新定匹庫全書 | ■ 之且走白全忠乙丑全忠至洛陽聞之喜馳徃赴之戊 辰至虞鄉先哭於重榮之墓盡哀河中人皆悦珂欲面

郎君如此使僕異日何以見舅於九泉乃以常禮出迎 **轉牵羊出迎全忠遽使止之日太師舅之思何可忘若** 傲決欲攻之 加幽州節度使劉仁恭魏博節度使羅 重幣請修好於全忠全忠雖遣使報之而您其書辭蹇 州全忠聞張夫人疾亟遽自河中東歸李克用遣使以 握手歔欷聨轡入城全忠表張存敬為護國軍留後王 珂舉族遷于大梁其後全忠遣珂入朝遣人殺之於華

紹威並無侍中

三月癸未朔朱全忠至大深癸卯

飲定四車全書一个

通鑑紀事本末

武節度使王處直入自飛狐權知晉州侯言以慈隰晉 兵會成德兵入自土門洺州刺史張歸厚入自馬嶺義 絳兵入自陰地叔琮入天井關進軍昻車辛亥沁州刺 遣宿州刺史氏叔琮等將兵五萬攻李克用入自太 州壬子叔琮拔澤州刺史李存璋棄城走叔琮進攻路 史蔡訓以城降河東都將蓋璋詣侯言降即令權知沁 昭義節度使孟遷降之河東屯將李審建王周將步 魏博都將張文恭入自磁 州新口葛從周以兖耶

時大雨積旬城多頹壞隨加完補河東將李嗣昭李嗣 陽城下數挑戰城中大恐李克用登城備禦不遑飲食 渦時汴軍既衆夠糧不給久雨士卒產痢全忠乃召兵 源鑿暗門夜出攻汴壘屢有殺獲李存進敗汴軍於洞

钦

定四軍全書一人

通鑑犯事本末

未拔承天軍與权琮烽火相應 氏权琮等引兵抵晉

遼州刺史張鄂降別將白奉國會成德兵自井陘入已

权琮出石會關營於洞渦驛張歸厚引兵至遼州丁已

| 萬騎二千請叔琮降叔琮進趣晉陽夏四月乙卯

忠遣丁會代守路州 威李嗣昭以精騎五千躡之殺獲甚衆先是汾州刺史 還五月叔琮等自石會關歸諸道軍亦退河東將周德 李瑭舉州附於汴軍克用遣其將李存審攻之三日而 拔執塘斬之氏权琮過上黨孟遷挈族隨之南徙朱全 二年春正月河東将李嗣昭周德威攻慈隰 朱全忠 州刺史張瓌降之 周德威将兵出陰地關攻濕州刺史唐禮降之進攻慈 六月李克用遣其将李嗣昭

過數萬深入敵境衆心怕懼德威出戰而敗客令嗣船 進攻李嗣昭周德威管時汴軍横陳十里而河東軍不 果斷其歸路而攻其 壘破之殺獲萬餘人已亥全忠自 之嗣昭等屯蒲縣乙未汴軍十萬營于蒲南叔琮夜帥 史氏叔琮擊之李嗣昭等襲取終州汴将康懷英復取 河中赴之乙巳至晉州 下之進通晉絳已丑全忠遣兄子友寧將兵會晉州刺 三月戊午氏叔琮朱友寧

飲定四車全書

聞有河東兵二月戊寅朔旋軍河中李嗣昭等攻慈隰

不得寢食召諸將議走保雲州李嗣昭李嗣源周德威 周德威李嗣昭收餘衆依西山得還城中兵未集叔琮 攻城甚急每行圍聚衣博帶以示閒暇克用晝夜来城 存信以親兵逆之至清源遇汴軍存信走還晉陽汴軍 令叔琮友寧乘勝遂攻河東李克用聞嗣昭等敗遣李 以後軍先去德威尋引騎兵亦退叔琮友寧長驅乘之 取慈隰汾三州辛酉汴軍圍晉陽營于晉祠攻其西門 河東驚潰擒克用子廷鸞兵仗輜重委棄殆盡朱全忠

事勢已急不若且入北虜徐圖進取嗣的力争之克用 遠慮王常笑王行瑜輕去其城死於人手今日反效之 **壘穿塹環之以積久制我我飛走無路坐待困斃耳今** 關東河北皆受制於朱溫我兵寡地感守此孤城彼築 耶且王昔居達靼幾不自免賴朝廷多事乃得復歸今 不能決劉夫人言於克用曰存信北川牧羊兒耳安知 足出城則禍變不測塞外可得至耶克用乃止居數

钦定四車全書

通维纪事本末

曰兒輩在此必能固守王勿為此謀搖人心李存信曰

軍于與平武功之間李嗣昭李嗣源數将敢死士夜入 去復取慈隰汾三州自是克用不敢與全忠争者累年 留數馬及旌旗於高崗之顛嗣昭等以為有伏兵乃引 乃定壬戌朱全忠還河中遣朱友寧将兵西擊李茂貞 寇至中塗復還晉陽曰此城吾死所也去将何之衆心 日潰兵復集軍府浸安克用弟克寧為忻州刺史間汴 氏权琮管斬首捕虜汴軍驚擾備禦不暇會大疫丁卯 叔琮引兵還嗣昭與周德威將兵追之及石會關叔琮

變灋不若養人改作寧如舊貫韓建蓄財無數首事朱 克用以使引谷幕府曰不貯軍食何以聚聚不置兵甲 温王珂變灋如麻一朝降賊中山城非不峻蔡上兵非 書記字襲吉獻議略曰國富不在倉儲兵殭不由泉寡 人歸有徳神固害盈聚飲寧有盗臣苛政如有猛虎所 何以克敵不修城池何以扞禦利害之間請垂議度掌 以鹿臺將散周武以與齊庫既焚晏嬰入賀又曰伏以

不多前事甚明可以為戒且霸國無貧主殭将無弱兵

飲定四華全書一人

子存助以為言克用曰此輩從吾攻戰數十年此者常 求安而自安外破元凶内康疲俗名高五霸道冠八元 由我則下無威福之弊近家多正則人無諧謗之憂順 伏顏大王崇德爱人去奢省役設險固境訓兵務農定 亂者選武臣制禮者選文吏錢穀有司刑灋有律誅賞 切克用親軍皆沙陀雜虜喜侵暴良民河東甚苦之其 至於索問閻定間架增麴葉檢田時開國建邦恐未為 天時而絕欺誣敬思神而禁淫祀則不求當而國富不

惡不極則不亡朱氏恃其詐力窮凶極暴吞滅四鄰人 所因封疆日處憂形於色存弱進言曰物不極則不逐 我若急之則彼皆散去矣吾安與同保此乎俟天下稍 以待其衰奈何輕為沮喪使羣下失望乎克用悦即命 怨神怒今又攻逼,乗輿窺観神器此其極也殆將斃矣 平當更清治之耳存弱幼警給有勇略克用為朱全忠 吾家代襲忠貞勢窮力屈無所愧心大人當遵養時梅 藏空虚諸軍賣馬以自給今四方諸侯皆重賞以募士 通鑑紀事本本

酒奏樂而罷 朱温取淄青

帝室藩屏宣得坐视天子困辱如此各擁殭兵但自衞 書徵藩鎮兵入援乗與師範見之泣下霑於曰吾屬為 以忠義自許為治有聲迹朱全忠圍鳳翔韓全誨以詔 唐昭宗天復三年春正月 平盧節度使王師範頗好學

子會張濟自長水亦遺之書勘舉義兵師範曰張公言

正會吾意夫復何疑雖力不足當死生以之時關東丘

妻子甚有思禮子弟職掌供億如故是日青州牙將張 悉定市人皆不知郭據府舍拜從周母每旦省謁待其 號華等州期以同日俱發討全忠通諸州者多事泄被 東兵仗載以小車入汴徐充軍齊沂河南孟滑河中陝 将其兵屯那州郭先遣人為販油者入城詞其虚實及 擒獨行軍司馬劉郡取兖州時泰寧節度使葛從周悉 兵所從入丙午郭將精兵五百夜自水實入比明軍城

多從全忠在鳳翔師範分遣諸將許為貢獻及商販包

一次定日車至書

通鑑纪事本木

居厚帥壮士二百將小車至華州東城知州事婁敬思 走卒色動迪察其有變屏人問之走卒具以實告迪不 裴迪守大梁師範遣走卒齊書至大梁迪問以東方事 疑其有異剖視之其徒大呼殺敬思攻西城崔尚在華 服白全忠正請馬步都指揮使朱友寧将兵萬餘人東 州帥根拒之不克走至商州追獲之全忠留節度判官 分兵先歸使友寧并将之 王師範遣使以起兵告李 巡充軍友寧召葛從周於邢州共攻師範全忠聞變亦

將將兵數萬攻宿州全忠遣其將康懷英教宿州淮南 絕萬從周引兵圍之友寧進攻青州戊辰全忠引四鎮 擊走之師範遣兵益劉那軍友寧擊取之由是兖州援 克用克用贻書褒賞之河東監軍張承業亦勸克用發 午朱全忠至大梁王師範弟師魯圍齊州朱友寧引兵 乙未楊行客遣其將王茂章以步騎七千救之又遣别 兵救鳳翔克用攻晉州聞車駕東歸乃罷 及魏博兵十萬繼之 夏四月王師範求救於淮南 三月戊

灾己日事全書人

通鑑紀事本末

號聲聞數十里俄而城陷盡屠之進拔臨淄抵青州城 遣客將劉捍往督之捍至友寧驅民丁十餘萬負木石 吏師海攻密州拔之斬其刺史劉康人以淮海都遊変 牽牛驢指城南築土山既至并人畜木石排而築之兔 拒朱友寧於石樓為兩柵內子夜友寧擊登州柵柵中 使張訓為刺史六月乙亥汴兵拔登州師範帥登萊兵 下遣别將攻登萊淮南將王沒章會王師範弟萊州刺 五月朱友寧攻博昌月餘不拔朱全忠怒

之兵殆盡全忠聞友寧死自将兵二十萬晝夜無行赴 泉斬之傳首淮南兩鎮兵逐北至米河俘斬萬計魏博 告急師範趣茂章出戰茂章按兵不動友寧破登州柵 **馳疾戰戰酣退坐召諸將飲酒已而復戰全忠登高望** 戰大破之友寧旁自峻阜馳騎赴敵馬仆青州將張土 進攻萊州柵比明茂章度其兵已疲乃與師範合兵出 兵大破之王茂章閉壘示怯同汴兵稍懈毀柵而出驅 之秋七月壬子至臨朐命諸將攻青州王師範出戰汴

欽定四庫全書

見之問降者知為茂章數曰使吾得此人為将天下不 **措揮使李虔裕將五百騎為殿虔裕殊死戰師厚擒而** 殺之師厚類州人也張訓聞茂章去謂諸将曰汴人将 足平也至晡汴兵乃退茂章度农寡不敢是夕引軍還 忠遣左踏白指揮使王檀攻家州既至望旗幟數日乃 植旗幟於城上遣羸弱居前自以精兵殿其後而去全 至何以禦之諸將請焚城大掠而歸訓曰不可封府庫 全忠遣曹州刺史楊師厚追之及於輔唐茂章命先鋒

萊州兵五千救青州師厚邀擊之殺獲殆盡遂徙寨抵 於楊師厚曰師範非敢背德韓全該李茂貞以朱書御 其城下 戊午王師範遣副使李嗣業及弟師悦請降 之家州留輜重於臨朐九月癸卯王師範出兵攻臨朐 史楊師厚攻青州身歸大梁 師厚伏兵奮擊大破之殺萬餘人獲師範弟師克明日 以檀為密州刺史 八月戊辰朔朱全忠留齊州剌 楊師厚屯臨朐聲言將

飲定日華全書

通銀紀事本末

敢入城見府庫城邑皆完遂不復追訓全軍而還全忠

其主汝可察之從周歇歌而退攻城為之緩鄰悉簡婦 馬劉那將兵五千據兖州非其自專願釋其罪亦遣使 西去欲迎車駕都洛陽乃受師範降選諸將使守登萊 全忠聞李茂貞楊崇本将起兵逼京畿恐其復劫天子 從周日劉将軍事我不異於汝新婦輩皆安居人各為 淄棣等州即以師範權淄青留後師範仍言先遣行軍司 葛從周攻兖州劉鄰使從周母乘板與登城謂

礼使之舉兵師範不敢違仍請以其弟師魯為質時朱


城下由是衆心益固及王師範力屈從周以禍福諭之 擅往者族之士卒皆惶惑不敢出敵人果疑彦温斬之 與之俱又遣人狗於城上日軍士非素遣從副使而敢 之不可遏鄰遣人從容語彦温曰軍士非素遣者勿多 之外援既絕節度副使王彦温踰城出降城上卒多從 分衣食堅守以扞敵號令整肅兵不為暴民皆安堵久 人及民之老疾不足當敵者出之獨與少壯者同辛苦

鄱日受王公命守此城一旦見王公失勢不俟其命而

通鑑紀事本末

灾足可具人

請囚服入見不許全忠慰勞飲之酒解以量小全忠曰 敢乗馬衣表子乃素服乗騙至大梁全忠賜之冠帶辭 郭坐受自如全忠益奇之未幾表為保大留後葛從周 降非所以事上也及師範使者至丁丑始出降從周為 久病全思以康懷英為泰寧節度使代之 功臣舊人鄰一旦以降將居其上諸将具軍禮拜於庭 具齎装送郭請大梁郭曰降将未受梁王寬釋之命安 取兖州量何大邪以為元從都押牙是時四鎮將吏皆



钦定四事全書

通鍋犯事本木

公女

三月庚午以王師範為河陽節度使

昭宣帝天祐二年春正月庚午朱全忠命李振知青州

事代王師範

二月李振至青州王師範舉族西遷

至濮陽素服乘驢而進至大梁全忠客之表李振為青



腾録監生 臣费恩綸校對官檢討臣李學錦總校官無主臣張能照